



Шормо эл, порымлык да гим берр!

38-ше (3270) №,
2016 ий 17 сентябрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

18 сентябрь –
Чодыра озанлык пашаен-влакын кечышт



Лий пүртүслан йолташ!

✓Марий Элын пеле утла кумдыкшым чодыра айла.

✓Российште эн чодыран вер – Сибирь. Кумдыкшо – 12 миллион квадратный километр. Эн кугу ужашыже – тайга.

✓Великобританийште чодыра эн шагал кушкеш.

Школыштына «Школьное лесничество» кружок пашам ышта. Тудым класс вуйлатышына, биологийым туньктышо Валентина Демьяновна Бурда вѳда. Кружокышто шуко ум пален налына, шинчымашнам пойдарена, конкурслаште уш-акылнам тергаш ямдылалтына. Шернур чодыра озанлык дене кылна кугу. Иман пушенге-шамычым куштым пытомникыш коштына. Чодыра озанлык пашаен-влак мыланна кушкылым ончен куштым, чодырам аралыме да моло нергенат умылтарат. Эртыше кечылаште вишным куклышна да икмыняр-жым школ садыш шындышна (снимкыште). Пүртүсын чын йолташыже лияш тунемына.

Ксения ШАБДАРОВА, 6-шо класс.

Шернур, Марисола.

Подписке-2017

УРА-А-А! 2017 ИЙЫН I ПЕЛЫЖЛАН
«ЯМДЕ ЛИЙ» ГАЗЕТЛАН ВОЗАЛТМЕ АК ШУЛ-
ДЕШТЫН! 261 тенгеат 54 ыр!

Каталогысо индекс: Марий Элыште – 78574,

Марий Эл деч тора кундемлаште –
52713. Вашкыза лишыл почтылаш!

Квитанцийдан копийжым редакци-
йыш колтыза да ЛОТЕРЕЙ модышыш
ушныза!



Тун
приз –
план-
шет!

Тыгай
приз-влак:

- ◆ тунемме үзгар-влак
- ◆ книга-влак
- ◆ баскетбол мече
- ◆ 100 чупа-чупс



5-9 сентябрьште Йошкар-Оласе 7-ше номеран школышто «Школыш-шыргыжалын» акций эртен. Эрдене йоча-влакым му-ро дене ва-шлийыныт, кампеткым пуэденыт. Могай кумылан улмыштым палаш манын, смайликым ойыраш темленыт. Тыге кажныжым школыш кумылын толаш таратеныт.



И.В.ЗАКИЕВА.

Таумутна



Медведево район администрацийын туныктымо да молодёжь шотышто полкажын вудышö специалистше Ираида Геннадьевна ВАСИЛЬЕВА икмыняр ий почеш районшышто 30 экзепляр «Ямде лий» газетым шаркала.

Чот вученам

Мый кенез эртымым ыжымат шиж. Шыже толынат шу. Игече вашталте. Идым тылзын икымше кечынже школышко кай-ышым. Йолташем-влакым ужым. Чот куанышым. Теве молан мый шыжым вученам.

Маша ДМИТРИЕВА,
2-шо класс.

Морко, Коркатово.

У лудшо-влак




Тений 1-ше классыш лу йоча тунемаш миен. 1 сентябрьште класс вуйлатышышт Валентина Александровна ЧУГУНОВА нуным школ дене палдарен. Книгагудышкат пуртен (снимкыште). Библиотекарь Татьяна Васильевна СЕМЕНОВА изи лудшыжо-влакым «Ямде лий» дене палымым ыштен. Ёдыр-рвезе-влак йоча газетым куанен онченыт, ава-ачаштым подпискым ыштен пуаш йодаш сөреныт.

А.ЭМАНОВА.

Уверлан уло вер

14-18 сентябрьште Марий Эл ыште А.С.Пушкин лүмеш Моско драме театрын гастрольжо эрта. Э.Сапаев лүмеш балет да опер театрыште «Тартюф», «Любовь. Письма», «Одолжите тенера!» спектакль-влакым ончыктен. 18 сентябрьште «Семейка Краузе» комедий-ыш пагален үжеш.



19-23 сентябрьште Чебоксарыште Самырык-влакын национальный театрыштын да ТЮЗ-влакын «Сказочная палитра» фестивалышт эрташ тўналеш. Тушто Марий Эл Республикысе йоча да самырык-влаклан театр-рўдерын артистше-влакат мастарлыкыштым ончыктат. 20 сентябрьште нуно «Онарын кердыже» спектакльым калыклан темлат.

Пеш шукерте Историйым шергалына
ожно татар-монгол-влак Рос-сийыште илыше калыклан кугу энгекым конде-ныт. Но XIV курымын кокым-шо пелийыштыже Золотой Орда кугы-жаныш шаланаш тўналын. А Россий, мўнгешла, посна кугыжаныш семын пенгыдемын. Тидыже хан-влакым чот лўдыктен. Сандене 1378 ийыште татар-монгол-шамыч Российыш виян войска дене керылтыныт. 1380 ий 21 сентябрьште князь Дмитрий Донскойын войскаже нуным Воже энер воктене Куликово пасушто ваш-лийын да пўтынек кырен шалатен. Ты сенгымаш Российлан ончыкыжым посна кугыжаныш семын виянашыже пол-шен.



*Куликовский
кредалмашым шарнен, 21 сентябрь
Российыште Воинский чап кече
семын палемдалтеш.*



Серыш

Салам лийже, пагалыме «Ямде лий» газет редакций! Тендан деке мўндыр Пошкырт кундем гыч марий гимназийын 6-шо классыштыже тунемше-влак вашкат. «Уэш школыш» темылан почеламутна-влакым колтена. Йоча-влакын, газетлаштыкыште шке пашаштым ужын, ала ончыкыжымат возаш кумылышт шочеш. Тыге марий йылмынам пойдарымаште мемнанат надырна лиеш, шонем.

А.ЮЗУКБАЕВА.
Мишкан, Чорай.



Уэш школыш

Уэш мый школыш погынем,
Саскам аршашыш чумырем.
Мотор вургемым чиенам,
Кузе ты кечым вученам!
Портфелем у, моткоч поян:
Мыняр учебник ден тетрадь,
Ручка, линейке, карандаш,
Кодеш тыршалын тунемаш!

Алиса МИКСОНОВА.

Кеҥеж каныш эртен кайыш,
Угыч школыш ваикыман.
Чот тыршалын кажне кечын
«Визытаным» погыман.

Олег МИХАЙЛОВ.

Толын шуо идым тылзе,
Парт коклаш уэш шична.
Тыршен окена ий мучко –
Шымше классыш вончена.

Валентин АЙГУЗИН.

Уэш ме школыш коштына,
Тушеч пеш нойышо пörтылына.
Шуко шонен кочмат шукта,
Садлан авай кочкаш пышта.

Кирилл ВОРОБЬЕВ.

Палыме баснем

Басным марла возышо икымше еҥ Г.Микай Элнет ялешем шочын да кушкын. Школышто Г.Микай нерген ме шуко колына, а школ программыште шагал произведенийжым тунемына. Басныже-влак кокла гыч мыланем «Шына» басныже келша. Шына изи гына, но кеҥеж гоч мемнан кидыш шинчын, вўрым йўэш. Вўрым йўмыжō арам



лиеш: тудым кидеш темдалыт. Микай



Валерия ИШАЕВАН
сўретше.
Монаш школ.

Татарстан, Менделеевск, Элнет.

тиде басныже гоч айдемын илышыжым ончыктен.

Мландымбалне шына гай айдеме-влак улыт, но чылаштын мучашышт икте. Шына ўмырым илаш огыл манын, кажне айдеме пашам чот ыштышаш.

Анастасия ЯКОВЛЕВА
(снимкыште).

Уэмше ола

Йошкар-Олаште лийынам,
Тидлан пеш чот йывыртенам.
Йошкар-Ола – пеш сай ола,
«Йошкарге» мутшымак сула.

Олаш пурет да тый ужат,
Кузе вашталтын чылажат:
Вўдшат, пörтшат да уремжат,
Театр, Кремль, молыжат...

Ола покшеч энгер йога,
Олам эше чот слынешта.
Энгер воктен бульвар улеш,
Чавайнын лўмжым нумалеш.

Мийыза Йошкар-Олаш
Шке шинча денак ужаш.
Ола порын вашлиеш,
Шарнымашешда кодеш.

Катя ПАЖБЕКОВА.
Татарстан, Агрыз, Буймо.

Изам гай улам

Изам (снимкыште) изиж годсек ече дене коштеш. Тыге капкылжым вианга, тазалыкым пенгыдемда. Ече спортлан тренер Е.В.Яркеев шўманден. Евгений Владимирович тўналтыш класс годсек тудым тўрлō олаш таҥасымашлаш коштыктен. Изам шуко гана призовой верыш лектын.

Евгений Владимирович да изам мыйымат ече дене кошташ кумыланденыт. Ече деч посна эше вес тўрлō таҥасымаште вием тергем, эре ончылно лияш тыршем. Икана бадминтон дене районын чемпионкыжо лийын тольым.



Анастасия СЕМЕНОВА.

Татарстан, Агрыз, Кōлегеш.



Шерге кундем

Мый Килемар районысо Визымйарыште шочынам. Вара авам дене Куженер районысо Кокшародо ялыш илаш толынна. Тиде ял кугорно ўмбалне верланен. Изи пўя уло, тушко ме тельым мунчалташ коштына, кенежым колым кучена. Мыланем тиде кундем эн шерге. Мотор пўртўс, поро да пашаче калык коклаште куанен илем. Тыште мыйын йолташем-влак улыт.

Вова ИЛЪЯКОВ.

Куженер район.



Марий шўлышан Унчо вел

Унчыш унала миен лектат гын, шкендым шочмо марий калыкетын юзо тўняшкыже логалше эн пиалан айдемылан шотлен кертат. Ямле пўртўсшак мом шога! Ял покшечын Янык памаш йоген эрта, этнографий тоштер ден канyme тўвыра комплекс ялым сўрастарат. «Передовик» ялозанлыкын паша лектышыже куандара. Тыштак марий шўлышым арален кодымашке кугу надырым пыштыше Геннадий Савельевич Григорьев ила. Шочмо калыкын тўвыражым виандымаште, Морко мландын тўзланен толмо корныжым уэмдымаште ты талешкын суапше шотлен пытарыдыме.

Е.В.ГРИГОРЬЕВА.

Морко, Шўргыял.

Морко район Кокшарово лицейын тунемшыже-влак Унчо этнографий тоштерыште лийыныт. **Юлия АНИСИМОВА** экспонат (шепка) воктене шога. Тоштерыште аралалтше вургемым чиен.



Фотом

Ю.АНИСИМОВА колтен.

Марий Эл

**Рэп
семын**

Картыштына
Марий Эл
Кугу огыл, изи вел.
Рўдола – Йошкар-Ола.
Верланеныс Чуваший,
Татарстан ден йыгыре
Кугу Юл энер воктен.

Кундемшыште – 14 район,

Шуко ял, села.

Ныл чатка ола:

Йошкар-Ола, Волжск,
Звенигово, Козьмодемьянск.

Марий Эл поян:

Кушкеш мотор

Ужар чодыра.

Ила тўрлў кайыквусо,

Шочеш шуко емыж-саска.

Келшен илат

Марий, чуваш,

Татар да руш

Икоян ешла.

Эмилия **АЛЕКСАНДРОВА.**

Морко, Кокшарово.

Шым ер

Шемъер ял мотор верыште шинча. Тораштак огыл воштончыш гай йылгыжше ер коеш. Тудын йырже нўлпў, писте, тумо, шопке кушкыт. Ятыр ий ожно сурт-пече-влак чодыра коклаште шинченыт. Ял улмым агытан муро йўк гыч веле тогдаш лийын. Ты кундем ерлан поян. Калык, ик ерым весыж дене тагастарен, лўмым пуэден. Мочылалык кўрым оптымо ер Мочылаер лийын. Поканъер ден Чылдывиер нерген ойлаш йўсў. А Килоерын лўмжў Килей патыр дене кылдалтын. Кугыер ден Изьерлан лўмым кугытыштым ончен пуэныт. Ожнырак куд ер лийын, а вара эше икте ешаралтын. Санденак тудын лўмжў – Уер.

Иван КОШАЕВ.

Волжский, Пўтъял.



Вер-

шўр айдемын шїм-чонжым пойдараш чот полша.

Валентин

КОСОРОЅЛОВ.

**Ушан
ой**

Пўртїс

дене айдеме семынак кояш кїлеш.

Миклай РЫБЪАКОВ.



Шымлымаш паша онгай верлаштат кружок, секций-влак улыт.

Марий Эл Республикасе кугыжаныш архив ден тунемме заведенийла

коклаште вашкыл ий гыч ийыш пенгыдемеш. Тидын шотышто Кугыжаныш архив вуйлатышын алмаштышыже Надежда Аркадьевна ЛУКИНЫХ дене мутланышна.

– Школышто тунемше-влаклан могай полышым пуэда?

– 2015 ийыште Марий Эл Республикасе образований да науко министерстве «Марий йылмым тунемына» образовательный порталын ямдылаш тўналын. Тидлан архив пашаен-влак онгай документлам ямдыленят. Кугыжаныш архивын сайтыштыже «Архив – школе» у лаштыкым почынна. Тыште тунемме программе почеш поян материалым муаш лиеш. Тунемше-влакым шымлымаш пашаке ушена. Мутлан, Политехнический лицей-интернатыште тунемше-влак архив пелен краеведений дене шымлымаш пашам эртарат. Республикасе моло тунемме

Научно-практический конференцияла, конкурсла, туризм да краеведений дене слётла эртаралтыт.

– Тунемше-влакын паша лектышыштат куандарыше, очыни?

– Ёдыр-рвезе-влак Санкт-Петербург, Ярославль, Саров олалаште эртаралтше научно-практический конференциялаште кажне ийын моштымашыштым тергат. Политехнический лицей-интернатын тунемшыже Максим Андреевын «История одной деревни» пашаже XIV Харитоновский чтенийыште диплом дене палемдалтын. Тунемше-влак «Юный архивист» всероссийский конкурсышто ий гыч ийыш сенымашке шуыт. Ёмаште самырык краевед-турист-влакын Всероссийский слётгыштышт «Военная история» секцийыште Марий Элын командыже ойыртмалтын.

Архив пашаен-влак ончыкыжымат шымлымаш пашалан кумылан кажне йочалан, тунемме заведенийлан полышым пуаш ямде улыт.

Л.ГРИГОРЬЕВА ямдылен.

Марлаш кусаре:

Птица-оса - барсук-белка-крыса-муравей - лиса - бобр -.

Куголя, ур, умдыр, рывыж, пачемыш, нерге, кутко, кайык.



Мо кушто ила?

Рушлаш кусаре:

Рывыж пыжаш - коля рож - пачемыш пыжаш - көргаш - куткышуэ - кайык пыжаш - нерге вынем - умдыр пыжаш -

Чын вашештеда гын, Йошкар-Ола могай кундемын рўдолаже, паледа.

1. Чодыра оза. **2.** Шочмо йылмына. **3.** Тушто шуко пушенге кушкеш. **4.** Эре шужышо коштеш. **5.** Йоча-влак колышташ йўратат. **6.** Волжский районысо энер. **7.** Шыже «поран».

Таня КОШКИНА.

Волжский, Пётъял.



Кроссворд

Нигуш ом кай

Ялем чодыра воктене верланен. Кенезым чодыраште күтўм күтена, понгым, снегым погена. Ял покшелне изи пўя уло. Телым йоча-влак хоккейла, футболла модыт. Чодыра воктенысе памашыш вургемым шўалташ коштына. Ял шенгелне – корем. Туштат памаш йыргыкта. Лиеш гын, нигунамат шочмо ялемым кудалтен ом кай.

Марина ПАЙКОВА.

Куженер, Лопсола.



«РВЕЗЕ ЙҮК» КОНКУРС

Кажне ийын, идалыкым иктешлен, лауреат-влакым палемдена.
НОМИНАЦИЙ-ВЛАК:

– «Ямде лий» газетын икымше редакторжо **З.Е.Яковлева** лүмеш премий – журналистикыште чолган возен шогышо юнкорлан пуалтеш;

– 1930-шо ийласе самырык поэт **Антонов Ивук** лүмеш – почеламутым эн сайын возышо авторлан;

– 1970-1980-ше ийласе юнкор-влакын эн кугу йолташышт да сылнымут туныктышышт **В.Б.Исенеков** лүмеш – школласе юнкор, литературно-творческий да сылнымут кружоклан.

– 1969 гыч 1986 ий марте «Ямде лийын» тўн редакторжо **Алеко Юзыкайн** лүмеш – Марий Эл деч тораште илыше марий-влакын тўшкан илыме кундемласе ойыртемалтше юнкор, литературно-творческий да сылнымут кружоклан але авторлан (йочалан) пуалтеш.

Ик юнкор тўр-лў номинацийыште мастарлыкшым терген кертеш.

– 1991-1997 ийласе «Ямде лийын» тўн редакторжо **В.В.Крыловым** шарнен, **Шулдыр Васлий** лүмеш премий дене эн оңай мыскарам возышо юнкор палемдалтеш.



Конкурсын учредительже – «Ший памаш» сылнымут фонд, вуйлатыше – писатель **В.В.КРАСНОВ** (снимкыште).



Палыме лийза у книга

Шукерте огыл **Яков Егоровын** йоча-влаклан «Кочамын пөлекше» у книгаже савыкталтын. Тушко йомак, новелле ден ойлымаш-влак пуренят. Тыланда, лудшына-влак, «Изи Диман кугу тўняже» ойлымаш цикл гыч икмыняр лудышым темлена.

Когылым пален огыл

– Авай, кокайна молан шортеш?
– Тунемаш пурен кертын огыл.
– Омсаже изи улмаш мо?
– Гогольым пален огыл.
– Когылым?! Тидлан шортман мо? – Дима үстембачын когылым нале да, кокаж деке миен, лыжган пелештыш. – Кокай, тиде когылым коч, вара тунемаш пурен кертат.

Кугу пырыс күлеш

– Клатыште чыла ложаш мешакым куголя-шамыч шўткален пытареныт. Нуным ынде пырысат сенен ок керт ала-мо, шукын

пошенят, – Диман аваже мане.

– Мый палем, кузе нуным поктен колташ лиш.

– Кузе? – аваже эргыжым ырын ончале.

– Теве тиде пырысым налын кондаш күлеш.

Умбачак лўдын кудалыт, –

Дима йоратыме книгажым

н у м а л кондыш

да тигр сўретым

аважлан ончык-тыш.



Пенгыде пўян лийнеже

«Ой-ой, Шарикна тыгай пенгыде лум каткален коч-

кеш. Чу, мыят нултен ончем», – Дима үстембачын эн таза лум налын, нулташ тўнале.

– Шылым коч, мом лу дене модын шинчет, – аваже эргыжым воштыл ончале.

– Модын шинчымаш уке. Мыят Шарик гай пенгыде пўян лийнем.



Кум йолташ

– Барбос, кушко кает? – Бовик умбачынак кычкырале.

– Кочкышым кычалам.

– Айда Борис изай деке базым оролаш каена.

– Пукша мо?

– Тудо пашачым йората.

Барбос ден Бовик базышке кудалыч. Нуным рвезыен куанен вашлие. Батон ден шыл шўрым пукшыш. Кум йолташ келшен илат. Барбос ончыксо озажым йоршын мондыш. Сусыр тупшат пареме.

Поро ен дене илаш куш-тылго.



С йретым чиялме.

Икана
еш дене чодыраш-
ке мийышна. Шыже
чодыра тунарак веселан ок
кой гынат, южшо пеш сай.
Шүлаш куштылго, пушенге-влак
сывынан улыт. Жап шумеке,
озырман мардеж лышташ-влакым
чаманыде кұрышташ тўналеш.
Вика РУМЯНЦЕВА.

Мый
лышташ велмым
ончаш йоратем. Кажнын
шке койышыжо уло. Икте
пеш писын ўлыкō вола, весе
мардеж дене модаш йората,
кумшо пōрдын-пōрдын велеш.
Анстасия ИВАНОВА.
Морко, Коркатово.



Лўмгече

Дим.
О р а й ы н
(Богослов-
ский Дми-
трий Федо-
рович) шоч-
мыжлан **18**
сентябрьш-
те 115 ий темеш. Шернур
район Марий Пижай ялын
эргыже Октябрь революций
деч вара совет учреждений-
лаште ыштен. 1930 ийыште
шочмо ялыштыже кол-
хозым почын. Кугу
Отечественный са-
рыште кредалын.
«Йотештше»
икымше книгаже
1929 ийыште
лектын. Кужу
жап «Тўтыра
вошт» повестыым
возен. Но книгам
писательын колы-
мекше веле лудшыен
кидышкыже налын.

Марий сылныму-
тышто «Чолга шўдыр» пове-
стыше дене келге кышам
коден.



Н.ГОДУНОВАН фотожо.

Йочасадыш
коштшо икшыве-вла-
кынат тунемме пагытышт
тўнале. Йошкар-Оласе 80-ше
номеран йочасадысе «Карусель»
группын нюгаже-влак 1 сентябрьым
Вупсень да Пупсень дене пырля
эртарышт. Нине герой-влак
«Лунтик» мультфильм гыч улыт.
Ўскырт шукш-шамычым йоча-
влак чын корныш шогалтышт.
Пайрем чылалан келшен. А
эн тўнжō – нуно уэш
пырля улыт.

Тўням-
Палаш огай
балне
чот кўкшō оралте
(зданий) ятыр.
Нью-Йоркышто
(США) «Башня
Свободы» эн кўкш –
541 метр. Торонто
(Канаде) ола воктене 553
метран телебашным шогалты-




ме. А Гуанчжоу (Китай) олаште телевизионный башне
– 610 метран. Японийысе «Небесное дерево» телебашне
(снимкыште) 634 метр кўкшытан.

Индекс: Марий Элыште - 78574,
вес кундемлаште - 52713.
Тираж 1100 экз. Заказ 2350.
Формат – А-4-8.
Директор-тўн редактор
Л.В.СЕМЕНОВА.
E-mail: yamde_lji@mari-el.ru,
yamde_lji@mail.ru
Сайтын адресше: yamde-lji.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республике-
се культур, печать да на-
циональность паша шо-
тышто министерстве, "Ям-
де лий" газет" кугужаныш
унитарный казенный
предприятий.

Газетым Массовый коммуникаций
сферыште да культур наследийым ара-
лымаште законодательством шуктен шо-
гыным эскерше Федеральный службын
Приволжский федеральный округысо уп-
равленийыштыже регистрироватыме.
Номер – ПИ №ФС 18-1999,
2005 ий 10 февральыште
пуымо.



Печатыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шо-
нымышт тўрлō лийын кер-
тыт. Серыш-влак мōнгеш огыт
колталт.

Газетым редакцийыште погымо да верстатыме, «СТРИНГ» ИПФ ООО-што ямде
оригинал-макет гыч савыктыме. Типографийын адресше: 424006, Йошкар-Ола,
Строитель урем, 95.

Редакцийын да издательын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.

Саскам погымо жап



Н.ГОДУНОВАН фотозы

Снимкыште:

Йошкар-Ола гыч
Артем Петров (сним-
кыште) ава-ачаж дене
пырля кажне канышлан
кова-кочаж деке ялышке
коштеш. «Ялыште мот-
коч сай», – манеш
Артем.

Кенеж гоч цифр-
влакым монден
огыдал? Тергыза.
Нине арвер-влак
могай цифр-влакым
ушештарат?



Барселонин
магырен-магы-
рен йүкшө
волаш полшо.
Тудлан

Шөртнӧ шыже

Урокышто туныктышына шыжым «шөртнӧ» мане. Мый мӧнгыштӧ паренгым лукмо годым авамлан тидын нерген каласышым.

– Ужат, үдырем, шошым ик паренгым шындышна, а кызит мыняре, шотло-ян, – каласыш аваем. – Чыла тиде шыжын пашаже.

– Авай, а олмапушто олмаже кунар шуко! Тидымат шыже ямдылен?

– Тыге, үдырем.

Арам огыл
тудым поян
шөртнӧ шыже
маныт.

Анна
АЛЕКСАНДРОВА,
2-шо класс.
Морко,
Коркатово.



Ксения СОЗОНОВАН сүретше.
2-шо номеран Шернур школ.

Лышташ
коклаш ур
игыже-влакым
йомдарен.
Тудлан
вич игыжым
муаш полшо.

Марлаш
кусаре

1. Заяц.
2. Медведь
3. Жаворонок.
4. Дятел.
5. Куница.
6. Сосна.
7. Лось.
8. Утка.
9. Лиса.
10. Рысь.
11. Клён.

Ксения
ОРЕХОВА.

Советский, Кугу Ӧрша.

Ковёрышто 5
прямоуголькым,
6 ромбым, 7
квадратм
му.

